



PACIFIC & ORIENT INSURANCE CO. BERHAD

No. Pendaftaran 197201000959 (12557-W)

Ahli Kumpulan Pacific & Orient

Ahli PIDM

Tingkat 11, Wisma Bumi Raya, No. 10, Jalan Raja Laut, 50350 Kuala Lumpur.

P. O. Box 10953, 50730 Kuala Lumpur. Laman : www.poi2u.com

Telefon: 03-2698 5033 Faks: 03-2693 8145 Talian Bebas Tol: 1 800 88 2121

SST Registration No./ No. CP - W10-1808-31021805

LEMBARAN PENDEDAHAN PRODUK (Polisi Insurans Liabiliti Majikan)

(Baca Lembaran Pendedahan Produk ini sebelum anda membuat keputusan untuk mengambil Polisi Insurans Liabiliti Majikan

Pastikan anda juga telah membaca terma dan syarat am.)

Manfaat-manfaat yang dibayar di bawah sijil yang layak adalah dilindungi oleh PIDM sehingga had perlindungan. Sila rujuk Brosur Sistem Perlindungan Manfaat Takaful dan Insurans PIDM atau hubungi Pacific & Orient Insurance Co. Berhad atau PIDM (layari www.pidm.gov.my)

1. Apakah produk ini?

Polisi ini melindungi anda sebagai seorang majikan kerana anda mungkin menanggung risiko disaman oleh pekerja-pekerja yang tidak dilindungi oleh Akta Pampasan Pekerja atau SOCSO.

2. Apakah perlindungan / manfaat yang disediakan?

Polisi ini meliputi:

- Polisi ini menanggung rugi anda terhadap liability undang-undang untuk membayar pampasan dan kos dan pembelanjaan kepada pekerja-pekerja anda berhubung dengan kecederaan badan akibat kemalangan atau menghidap penyakit yang terbit daripada dan di dalam tempoh penggajiannya.
- Had pampasan bagi tanggungan anda di bawah Common Law yang standard ialah Ringgit Malaysia : Satu Juta sahaja (RM1,000,000.00) bagi setiap kemalangan dan didalam penjumlahan.
- Tempoh perlindungan ialah selama setahun. Anda perlu memperbaharui perlindungan insurans anda setiap tahun.

3. Berapa banyak premium yang saya perlu bayar?

Jumlah premium yang anda perlu bayar mungkin berbeza bergantung kepada jumlah upah, gaji dan pendapatan lain tahunan yang dibayar oleh Pihak Yang Diinsuranskan kepada pekerja dan keperluan pengunderitan syarikat insurans.

4. Apakah yuran dan caj yang saya perlu bayar?

Jenis	Jumlah
-------	--------

- | | |
|---|------------------------|
| ▪ Komisen yang dibayar kepada ejen insurans | ▪ 25% daripada premium |
| ▪ Duti setem | ▪ RM10 |
| ▪ Cukai Perkhidmatan (CP) | ▪ 6% daripada premium |

5. Bagaimana pula jika kemalangan itu disebabkan oleh pekerja yang lain?

Polisi ini melindungi anda dan juga kecuaian pekerja anda.

6. Dalam keadaan bagaimakah saya perlu menanggung liabiliti?

Anda perlu menanggung liabiliti ke atas:

- Kecuaian peribadi
- gagal menyediakan tempat bekerja dan sistem bekerja yang selamat
- gagal memberi perhatian yang munasabah dalam pengambilan pekerja yang mahir
- gagal menyediakan mesin yang sesuai dan memastikan ia berfungsi dengan baik

7. Bolehkah pekerja itu menyaman di luar Malaysia?

Tidak, polisi ini adalah tertakluk kepada kuasa undang-undang Malaysia sahaja.

8. Apakah terma-terma dan syarat-syarat yang saya harus ketahui?

- Kewajipan Pendedahan:
 - a) Kontrak Insurans Pengguna
 - Menurut Perenggan 5 daripada Jadual 9 Akta Perkhidmatan Kewangan 2013, jika anda memohon insurans ini sepenuhnya untuk tujuan yang tidak berkaitan perdagangan, perniagaan atau profesion anda, anda mempunyai kewajipan untuk mengambil langkah yang munasabah untuk tidak salah nyata dalam menjawab soalan-soalan di dalam Borang Cadangan (atau semasa memohon insurans ini). Anda dikehendaki menjawab soalan-soalan dalam Borang Cadangan ini dengan lengkap dan tepat.
 - Kegagalan untuk mengambil langkah yang munasabah dalam menjawab soalan-soalan, mungkin mengakibatkan pembatalan kontrak insurans anda, keengganan atau pengurangan gantirugi, perubahan terma atau penamatan kontrak insurans anda.
 - Kewajipan pendedahan diatas hendaklah diteruskan sehingga kontrak insurans anda dimeterai, diubah atau diperbaharui dengan kami.
 - Sebagai tambahan kepada soalan-soalan di dalam Borang Cadangan (atau semasa memohon insurans ini), anda dikehendaki untuk mendedahkan apa-apa perkara lain yang anda tahu akan mempengaruhi keputusan kami dalam menerima risiko dan menentukan kadar dan terma yang dikenakan.
 - Anda juga mempunyai kewajipan untuk memberitahu kami dengan serta-merta jika pada bila-bila masa selepas kontrak insurans anda ditandatangani, diubah atau diperbaharui dengan kami (atau semasa permohonan insurans ini), apa-apa maklumat yang dinyatakan dalam Borang Cadangan tidak tepat atau sudah berubah.
 - b) Kontrak Insurans Komersial
 - Menurut Perenggan 4(1) Jadual 9 Akta Perkhidmatan Kewangan 2013, jika anda memohon insurans ini untuk tujuan yang berkaitan dengan perdagangan, perniagaan atau profesion anda, anda berkewajipan untuk mendedahkan apa-apa perkara yang anda tahu akan mempengaruhi keputusan kami dalam menerima risiko dan menentukan kadar dan terma yang dikenakan, dan apa-apa perkara yang munasabah yang boleh dijangka, jika tidak ia boleh menyebabkan pembatalan kontrak insurans, keengganan atau pengurangan ganti rugi, perubahan terma atau penamatan kontrak insurans anda.
 - Kewajipan pendedahan diatas hendaklah diteruskan sehingga kontrak insurans anda dimeterai, diubah atau diperbaharui dengan kami.
 - Anda juga mempunyai kewajipan untuk memberitahu kami dengan serta-merta jika pada bila-bila masa selepas kontrak insurans anda ditandatangani, diubah atau diperbaharui dengan kami (atau semasa permohonan insurans ini), apa-apa maklumat yang dinyatakan dalam Borang Cadangan tidak tepat atau sudah berubah.
- Anda mesti memastikan borang cadangan dilengkapkan dengan tepat kerana ia merupakan asas kontrak insurans.
- Anda harus merekod nama setiap pekerja, bersama-sama dengan jumlah gaji, upah dan pendapatan lain.
- Premium yang anda perlu bayar mesti dibayar dan diterima oleh kami dalam tempoh 60 hari dari tarikh berkuatkuasanya polisi. Sekiranya syarat ini tidak dipatuhi maka kontrak ini akan dibatal secara automatik dan kami berhak mengenakan bayaran premium secara pro rata bagi tempoh kami menanggung risiko.
- Jika berlaku sebarang peristiwa yang menimbulkan tuntutan di bawah polisi ini, anda dikehendaki dengan secepat mungkin dalam tempoh 14 hari memberi notis kepada kami dengan maklumat lengkap.
- Anda mesti mematuhi dan memenuhi peruntukan-peruntukan, syarat-syarat, fasal dan pengendorsan polisi.

Nota: Senarai ini tidak lengkap. Sila rujuk kepada kontrak polisi untuk senarai penuh terma dan syarat di bawah polisi ini.

9. Apakah pengecualian utama di bawah polisi ini?

Polisi ini tidak melindungi sesetengah kerugian, seperti:

- Liabiliti tertanggung oleh perjanjian
- Risiko perang dan tindakan keganasan

- Risiko radioaktif dan tenaga nuclear
- Tuntutan yang timbul daripada 'Sindrom Toksik Protein Lateks' dan Asbestos.

Nota: Senarai ini tidak lengkap. Sila rujuk kepada kontrak polisi untuk senarai penuh pengecualian di bawah polisi ini.

10. Bolehkah saya membatalkan polisi saya?

- Anda boleh membatalkan polisi anda pada bila-bila masa dengan memberi notis bertulis kepada kami; dan
- Kami juga boleh membatalkan polisi ini dengan memberi anda notis 7 hari secara bertulis melalui surat berdaftar kepada alamat anda yang terakhir. Disebabkan oleh pembatalan ini, anda layak untuk mendapat pengembalian premium yang ditolak dari premium jangka pendek bagi tarikh yang telah dilalui semasa polisi .

11. Apakah yang saya perlu lakukan jika terdapat perubahan pada butiran peribadi saya?

Ia adalah penting yang anda memaklumkan kepada kami tentang sebarang perubahan dalam butiran perhubungan anda untuk memastikan bahawa semua surat-menyurat sampai kepada anda tepat pada masanya.

12. Di mana saya boleh mendapatkan maklumat lanjut?

Sekiranya anda memerlukan maklumat tambahan mengenai insurans pampasan pekerja, anda boleh menghubungi kami atau mana-mana cawangan kami.

Jika anda mempunyai sebarang pertanyaan, sila hubungi kami di:

Pacific & Orient Insurance Co. Berhad
Tingkat 11, Wisma Bumi Raya,
No. 10, Jalan Raja Laut,
50350 Kuala Lumpur.
Tel : 03-2698 5033
Faks : 03-2693 8145
E-mel : poi2u@pacific-orient.com

NOTA PENTING:

ANDA HARUS MEMBACA DAN MEMAHAMI POLISI INSURANS DAN BERBINCANG DENGAN EJEN ATAU MENGHUBUNGI TERUS SYARIKAT INSURANS UNTUK MAKLUMAT LANJUT.

Maklumat yang diberikan dalam lembaran pendedahan ini adalah penerangan ringkas untuk rujukan cepat dan mudah. Terma-terma dan syarat-syarat tepat yang diperlukan adalah terkandung dalam kontrak polisi.

Pacific & Orient Insurance Co. Berhad adalah dilesenkan di bawah Akta Perkhidmatan Kewangan 2013 dan dikawal oleh Bank Negara Malaysia.

Maklumat yang diberikan dalam lembaran pendedahan ini adalah sah pada 14.02.2023